

Sakspapir

Saksbehandler	Arkiv	ArkivsakID
Ove Sæbø	FE-223	21/15

Saksnr	Utvalg	Type	Dato
013/2021	Formannskapet	PS	20.04.2021

Kommunal kompensasjonsordning til verksemder i Modalen

Forslag til vedtak:

Formannskapet løyver kr. 30 000,- i tilskot til Modalen pensjonat og kr. 220 000,- i tilskot til Mobryggen Drift AS. Begge løyvingane vert gjevne innanfor regelverket om bagatellmessig stønad.

Saksopplysningar:

Modalen kommune mottok brev frå kommunal- og moderniseringsdepartementet d. 25.02.21 – *tilbudsbrev kommunal kompensasjonsordning til lokale virksomheter*. I samband med brevet mottok kommunen kr. 250 000,- i tilskot til vidarefordeling til verksemder. Føremålet med tilskotet er å setje kommunane betre i stand til å avhjelpe situasjonen for lokale verksemder som er særleg hardt ramma av lokale eller nasjonale smitteverntiltak knytt til koronapandemien.

Ordninga skal virke som ein lokal ventilordning for å kompensere lokale verksemder som har hamna heilt eller delvis utanfor dei generelle kompensasjonsordningane. Det skal kunne gjevast stønad som skal kompensere kostnader, tap som følgje av smitteverntiltak og nedstenging.

Dette er såleis ikkje ei ordning som rettar som mot nye tiltak eller prosjektfinansiering.

Bakgrunn

Modalen kommune lyste ut ordninga på heimesida med søknadsfrist 4. april. Søknadsportal var www.regionalforvaltning.no. Det kom 2 søknadar innan fristen; Modalen pensjonat og Mobryggen Drift AS.

Grunnlaget for tilskotsordninga er knytt til koronapandemien som har gjort det spesielt krevjande for ulike delar av næringslivet i kommunane å få endar til å møtast. Noko av det som har vore kritisk å demme opp for er risiko for at arbeidsplassar skal gå tapt. Modalen kommune vurderte difor å setje kriteriar som skulle gjere tilgangen til midlane både enkel og tilgjengeleg for søkerar.

Mål for ordninga i Modalen:

- å avhjelpe situasjonen for lokale verksemder som er særleg hardt ramma av lokale eller nasjonale smitteverntiltak.

Kriteriar:

- verksemda har hatt omsetningssvikt i 2020 og/eller 2021 som følgje av nasjonale eller lokale smitteverntiltak
- verksemda har falt heilt eller delvis utanfor dei generelle kompensasjonsordningane
- verksemda har stor omsetningssvikt i 2020/2021 grunna pandemien

Vurdering

Modalen pensjonal har i sin søknad vist til ein omsetnadstap i 2020 på kr. 88 000,- og eit venta omsetnadstap i 2021 på kr. 20 000,-. Det er opplyst at det vart motteke tilskot frå Modalen kommune på kr. 20 000,- i 2020. Søknadsbeløp: kr. 88 000,-.

Mobryggen Drift AS har i sin søknad vist til samla omsetnadstap i 2020 på kr. 1 900 000,-. Verksemda opplyser å ha motteke kr. 680 928,- i ulike tilskot i samband med pandemien. I vedlagte søknadsbrev er det gjort greie for permitteringar i 2020, kollaps i inntekter, nedstenging, tæring på egenkapital, fråseiing av dagleg leiar si løn. Faste totale utgifter for 2021 er på kr. 2,6 mill. Verksemda bekymrar seg for at dei på søknadstidspunktet er på veg inn i den 3. koronabølga som vil føre til begrensingar og utfordringar for drifta, og som vil føre til uvisse vedr. inntekter framover. Verksemda er i ferd med å tilsetje 4 personar med lokal forankring. Eit tilskot vil kunne bidra til å gjennomføre denne tilsetjingsprosessen, samt gje eit økonomisk pusterom.

Rådmannen si vurdering er at det i søknaden frå Modalen pensjonat er avgrensa informasjon som underbyggjar behovet for tilskot. Det er ført opp summar, men desse er ikkje gjevne noko utfyllande informasjon med omsyn til t.d. alvorsgrad i situasjonen deira. Det er likevel rimeleg å leggje til grunn at verksemda har hatt betydeleg inntekstbortfall som følgje å kraftig reduksjon i resiliensverksemda nasjonen over. Rådmannen rår til at vert løyvd kr. 30 000,- i tilskot.

I vurderinga av søknaden frå Mobryggen Drift AS legg rådmannen til grunn at det er gjort greie for situasjonen på eit vis som syner kva tilskotet skal demme opp for, kva vurderingar selskapet sjølv har gjort av situasjonen og verknadane av pandemien. Rådmannen rår til at det vert gjeve kr. 220 000,- i tilskot.

Begge verksemdene er innanfor målsetjinga om at tilskotet skal kunne bidra til å avhjelpe situasjonen for verksemder som er særleg hardt råka av smitteverntiltak / verknadar av pandemien.

Begge verksemdene viser til omsetnadssvikt i 2020, og ventar ytterleagre svikt i 2021. Årsakane er pandemien, samt påfølgjande nasjonale og lokale smitteverntiltak.

Konklusjon

Rådmannen rår til at det vert løyvd kr. 30 000,- i tilskot til Modalen pensjonat, og kr. 220 000,- i tilskot til Mobryggen Drift AS.

Formannskapet - 013/2021

FOR - behandling:

Ordfører og assisterende rådmann orienterte om saka og svara på spørsmål.
Samrøystes vedteke

FOR - vedtak:

Formannskapet løyver kr. 30 000,- i tilskot til Modalen pensjonat og kr. 220 000,- i tilskot til Mobryggen Drift AS. Begge løyvingane vert gjevne innanfor regelverket om bagatellmessig stønad.

Vedlegg:

Søknad frå Mobryggen Drift AS - del 1

Søknad frå Mobryggen Drift AS - del 2

Søknad frå Modalen pensjonat

21/1215-2 Tilskuddsbrev kommunal kompensasjonsordning til lokale virksomheter

Vedlegg 1 - Fordeling kap. 553 post 68 25.2.2021(1350980)